

Radunanza dals participants BCG: la rendita attractiva legra ils investiders ed il Chantun

Cuira, ils 12 d'avrigl 2014 – 2'560 personas interessadas han prendì part a la 29avla radunanza dals participants da la Banca Chantunala Grischuna che ha già lieu la sonda en la Halla da la citad da Cuira. La banca ha ina giada dapli preschentà in bun resultat da fatschenta. Participà a quel èn stads tut ils purtaders da scrits da participaziun cun ina dividenda da 38 francs. Il Chantun ha dastgà sa legrar d'in pajament dad 82,8 milliuns francs.

«La prestaziun da la BCG sa basa per gronda part sin la confidenza e la fidaivladad che Vus, stimadas participantas e stimads participants, ans demussais», ha avert dr. Hans Hatz la 29avla radunanza dals participants da la Banca Chantunala Grischuna en la Halla da la citad da Cuira bain emplenida. L'occurrenza dettia la chaschun da render visibla e perceptibla la ferma colliaziun tranter la banca ed ils proprietaris.

Augmentà il gudogn dal concern per 1,6 pertschient

«Il resultat da fatschenta 2013 ha surpassà nossas spetgas ed ha confermà che las decisiuns strategicas ed operaziunalas èn stadas gistas», ha commentà il CEO Alois Vinzens il bun resultat da fatschenta. Per l'emprima giada ha la summa da bilantscha surpassà il cunfin da 20 milliardas francs. Malgrà il lev regress dal gudogn brut dad 1,4 pertschient sajan ins cuntent cun il resultat, ha ditg Vinzens. Quel saja pli aut che spetgà. Il gudogn net rectificgà è creschì per fitg buns 2,7 pertschient. Sco in fatg legraivel ha Vinzens era valità l'augment dal gudogn dal concern per 1,6 pertschient.

Ina banca segira cun in ferm chapital

Ina giada dapli ha il CEO Alois Vinzens suttastritgà la dotaziun d'agens meds ordvart confortabla da la Banca Chantunala Grischuna sco segn per sia capaciad da supportar ristgas. Cun quai valia la BCG sin il martgà vinavant sco ina banca segira. Da questa opiniun sajan er experts ed analists independents. L'agentura da rating internaziunala Standard & Poor's ha confermà il 2013 a la Banca Chantunala Grischuna la segund auta categoria da valitaziun AA+.

Responsabladad ed engaschi per il Grischun

«A nus statti a cor ch'il Grischun restia attractiv per tuts. Per quest motiv surpigliain nus responsabladad sociala. Ina part da quella responsabladad furma – ultra da noss sponsoring e da la lavur voluntara da nossas collavuraturas e da noss collavuratur – noss engaschi via il fond da contribuziun BCG», ha accentuà Alois Vinzens. L'onn 2013 èn vegnids sustegnids cun il fond 585 projects dals secturs cultura, sport, economia ed util public cun passa 2,5 milliuns francs.

Ils purtaders da scrits da participaziun ed il Chantun han part al gudogn

Participads al gudogn da la BCG èn era quest onn tut las participantas e tut ils participants cun ina dividenda da 38 francs per scrit. Il pajament munta, suenter la deducziun da la summa per indemnisar la garanzia statala da 2,6 milliuns francs ed il deposit en il fond da contribuziun da 2 milliuns francs, quest onn a 99,6 milliuns francs. A las reservas libras vegnan attribuids 55 milliuns francs dal gudogn annual. Il Chantun po profitar d'in pajament dad 82,8 milliuns francs. Quai correspunda en proporziun a 427 francs per abitanta ed abitant.

Presidi da banca – entrada en uffizi e cumià

A la fin da la part uffiziala ha la cussegliera governativa Barbara Janom Steiner prendi cumià da dr. Hans Hatz ed undrà ses merits sco president da la BCG. En ses referat d'avertura è sa preschentà Peter Fanconi sco il nov president da banca ed ha infurmà las preschentas ed ils preschents davart sias finamiras ed intenziuns.

In program da divertiment persvadent

Per divertiment varià ha procurà quest onn il Pepe Lienhard Orchester cun il bandleader Pepe Lienhard. El è sa preschentà ensemen cun trais solists, tranter quels il renumà Pino Gasparini. Els han sunà tranter auter, co pudessi esser auter, la chanzun Swiss Lady ed in medley da Louis Prima. Per ils daletgs gastronomic han danovamain procurà Christoph Tobler e ses team. A l'entschatta e durant l'occorrenza han ins adina puspè dastgà udir la musica instrumentala da la BCG.

A Vossas dumondas respunda gugent:

alois.vinzens@gkb.ch

President da la direenziun generala | +41 81 256 94 26

Il sectur Marketing & comunicaziun As gida gugent a cuntanscher il pli svelt pussaivel Vossas personas da contact:

As drizzai a thom.mueller@gkb.ch | +41 81 256 83 11

ubain a hans-peter.rest@gkb.ch | +41 81 256 83 10.

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universal moderna – per personas privatas, l'economia ed il maun public. La banca occupa l'097 collavuraturas e collavuratur (stadi dals 31-12-2013). En il chantun Grischun cun sias numerusas vals e pliras linguas, è l'interpresa represchentada cun 66 agenturas, la sedia principala sa chatta a Cuir. La Banca Chantunala Grischuna è participada a la Banca Privata Bellerive SA ed a la Private Client Bank SA a Turitg. En il quint annual preschenta ella cun ina summa da bilantscha da CHF 20,001 milliardas in gudogn brut consolidà da CHF 214,4 milliuns. Il scrit da participaziun BCG è quotà a la bursa dapi ils 10 da settember 1985.

Termins

Rendaquint semestril 2014:

25 da fanadur 2014